

Հավելված №1
Հայաստանի Հանրապետության հանրային
ծառայությունները կարգավորող հանձնաժողովի
2023 թվականի նոյեմբերի 15-ի №396-Ա որոշման

«Հավելված
Հաստատված է Հայաստանի Հանրապետության հանրային
ծառայությունները կարգավորող հանձնաժողովի
2007 թվականի դեկտեմբերի 28-ի №687Ա որոշմամբ

«ՅՈՒՔՈՄ» փակ բաժնետիրական ընկերության կողմից Երևան քաղաքում անլար հասանելիության ամրակցված լայնաշերտ կապի ցանցի կազմակերպման համար 5650-5725ՄՀց և 5830-5851ՄՀց ռադիոհաճախականությունների հատվածների օգտագործման թույլտվության

Պայմանները

(Թույլտվություն №0296, տրված Հայաստանի Հանրապետության հանրային ծառայությունները կարգավորող հանձնաժողովի 2007 թվականի դեկտեմբերի 28-ի №687Ա որոշմամբ)

1. Սահմանումներ

1. Սույն թույլտվությունում գրված հիմնական հասկացությունները սահմանվում են հետևյալ կերպ.
 - 1) Հանձնաժողով՝ Հայաստանի Հանրապետության հանրային ծառայությունները կարգավորող հանձնաժողով.
 - 2) Թույլտվություն ունեցող անձ կամ Կարգավորվող անձ՝ «ՅՈՒՔՈՄ» փակ բաժնետիրական ընկերություն.
 - 3) Թույլտվություն՝ Հանձնաժողովի կողմից Կարգավորվող անձին տրված սույն փաստաթուղթը, որը հավաստում է ռադիոհաճախականություն որոշակի հատված օգտագործելու նրա իրավունքը և պարտականությունը.
 - 4) Ֆորս մաժոր՝ արտակարգ և անկանխելի դեպքեր և հանգամանքներ, որոնք ստեղծվել են Կարգավորվող անձի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր ուժեղ դրսևորումները, ինչպես, օրինակ, ջրհեղեղները, երկրաշարժերը, փոթորիկները, պտտահողմերը, նաև

սաբոտաժային գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, որոնք խոչընդոտում են Կարգավորվող անձի գործունեությունը կամ հանգեցնում նրա ստանձնած ցանկացած պարտավորության կատարման ձգձգման կամ դադարեցման՝ հակառակ նրա կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

2. Թույլտվության գործողության ժամկետը

2. Թույլտվությունն ուժի մեջ է մտնում 2007 թվականի դեկտեմբերի 28-ից:
3. Թույլտվությունը գործում է մինչև 2033 թվականի նոյեմբերի 19-ը:

3. Ռադիոհաճախականության օգտագործման էությունը կազմող գործառույթները

4. Թույլտվությունը ուժի մեջ մտնելու պահից Կարգավորվող անձին իրավունք է տրվում և պարտավորեցվում է Երևան քաղաքում անլար հասանելիության ամրակցված լայնաշերտ կապի ցանցի շահագործմամբ օգտագործել 5650-5725ՄՀց և 5830-5851ՄՀց ռադիոհաճախականությունների հատվածները՝ հետևյալ տեխնիկական ցուցանիշներով՝
 - 1) ռադիոհաճախականությունների հատվածների օգտագործման նպատակը՝ տվյալների փոխանցման կազմակերպում.
 - 2) անլար հասանելիության ամրակցված լայնաշերտ կապի ցանցի օգտագործման տարածքը՝ քաղաք Երևան.
 - 3) օգտագործվող սարքավորման տեխնիկական ստանդարտի անվանումը՝ IEEE 802.16.
 - 4) բազային կայանների քանակը՝ 3.
 - 5) բազային կայանների տեղադրման վայրերը և աշխարհագրական կոորդինատները.

Բազային կայանի հերթական համարը	Բազային կայանի տեղադրման վայրը	Աշխարհագրական կոորդինատները	
1			
2			
3			

6) հատկացված ռադիոհաճախականությունների հատվածը, հաղորդիչների հզորությունը, ճառագայթման դասը, տեղեկատվության հաղորդման արագությունը՝

Բազային կայանի հերթական համարը	Ռադիոհաճախականությունների հատվածը (ՄՀց)	Հաղորդչի հզորությունը (Վտ)	Ճառագայթման դասը	Տեղեկատվության հաղորդման արագությունը (կԲիթ/վ)
1	5650-5725		10M0G9D	15360
2	5650-5725		10M0G9D	15360
3	5830-5851		3M50G7W	10000

7) անտենայի տեսակը, ուժեղացման գործակիցը, բարձրությունը երկրի մակերևույթից՝

Բազային կայանի հերթական համարը	Անտենայի տեսակը	Ուժեղացման գործակիցը (dBi)	Բարձրությունը երկրի մակերևույթից (մ)
1	պանելային	17	55
2	պանելային	17	40
3	սեկտորային	17	45

8) անտենայի ճառագայթման ազիմուտը՝ 360 աստիճան:

5. Կարգավորվող անձը յուրաքանչյուր նոր բազային ռադիոկայանը շահագործման ընդունելուց հետո, եռօրյա ժամկետում պարտավոր է Հանձնաժողով ներկայացնել բազային ռադիոկայանի տեխնիկական տվյալները (ռադիոկայանի հզորությունը, ընդունման/հաղորդման ռադիոհաճախականությունների հատվածները, ճառագայթման դասը, ռադիոկայանի տեղադրման վայրը և աշխարհագրական կոորդինատները, ընդունիչի տեսակը և զգայունությունը, անտենայի տեսակը, ուժեղացման գործակիցը, անտենայի դիագրամի ողղվածության լայնությունը, մեկ կրող ռադիոհաճախականության վրա ինֆորմացիոն (ստանդարտ հեռախոսային) կապուղիների քանակը:
6. Կարգավորվող անձն պարտավոր է ռադիոհաճախականությունների հատվածը օգտագործել այնպես, որ վնասակար ազդեցություն չունենա այլ անձանց ռադիոհաճախականության օրինական օգտագործման վրա:

4. Լիցենզավորված անձի գործունեությունը

7. Կարգավորվող անձը պարտավոր է իր գործունեությունը իրականացնել «Էլեկտրոնային հաղորդակցության մասին» օրենքի, Հանձնաժողովի ընդունած իրավական ակտերի, Թույլտվության պայմանների և այլ իրավական ակտերի համաձայն:
8. Թույլտվությունը չի կարող օգտագործման տրվել այլ անձանց, օտարվել կամ գրավադրվել՝ բացառությամբ օրենքով սահմանված դեպքերի:
9. Կարգավորվող անձը պարտավոր է իր նախաձեռնությամբ Թույլտվության պայմանների 4-րդ կետում նշված որևէ տեխնիկական ցուցանիշի փոփոխության դեպքում եռամսյա ժամկետում Հանձնաժողով ներկայացնել կապի գծով քաղաքաշինության փաստաթղթերի մշակման լիցենզիա ունեցող անձանց կողմից մշակված անլար հասանելիության ամրակցված լայնաշերտ ցանցի տեխնիկական նախագիծը՝ երկու օրինակից:
10. Կարգավորվող անձը պարտավոր է անլար հասանելիության ամրակցված լայնաշերտ կապի ցանցի շահագործումից առնվազն 3 օր առաջ տեղեկացնել Հանձնաժողովին շահագործման մասին:
11. Կարգավորվող անձը պարտավոր է ապահովել Թույլտվությամբ հատկացված ռադիոհաճախականությունների հատվածի արդյունավետ օգտագործումը:
12. Կարգավորվող անձը պարտավոր է Հանձնաժողովի կողմից սահմանված կարգով և ժամկետներում վճարել ռադիոհաճախականությունների օգտագործման վճարները, եռամսյակը մեկ անգամ՝ մինչև յուրաքանչյուր եռամսյակին հաջորդող ամսվա 25-ը:
13. Կարգավորվող անձը՝ Հանձնաժողովի կողմից սահմանված կարգին և ձևերին համապատասխան, պարտավոր է իր գործունեության մասին տեղեկատվություն ներկայացնել Հանձնաժողով:
14. Կարգավորվող անձը պատասխանատվություն է կրում իր գործունեության մասին Հանձնաժողով ներկայացրած տեղեկատվության հավաստիության համար:

15. Կարգավորվող անձի՝ Հանձնաժողով ներկայացրած տեղեկատվությունը հրապարակային է, եթե այն Կարգավորվող անձի կողմից չի համարվում գաղտնի և նշված չէ որպես «գաղտնապահական տեղեկատվություն»:
- Կարգավորվող անձն իրավունք ունի ներկայացնել փաստարկներ և հիմնավորումներ՝ ապացուցելու համար, որ իր ներկայացրած տվյալների (ներառյալ՝ «գաղտնապահական տեղեկատվությունը») հրապարակումը կարող է վնասել իր գործունեության շահերին:
- Հանձնաժողովն իրավասու է ընդունել կամ մերժել նման տեղեկատվության չհրապարակման վերաբերյալ Կարգավորվող անձի խնդրանքը:
16. Կարգավորվող անձը պարտավոր է հնարավորինս սեղմ ժամկետում Հանձնաժողով հայտնել այն հանգամանքների մասին, որոնք հանգեցրել կամ կարող են հանգեցնել Թույլտվության պայմանների խախտման:

5. Գործունեության վերահսկում

17. Թույլտվության պայմանների կատարման կամ պահպանման վերահսկումն իրականացնում է Հանձնաժողովը:
18. Թույլտվության պայմանների կատարման կամ պահպանման վերահսկումն ապահովելու նպատակով Հանձնաժողովը կամ նրա լիազոր ներկայացուցիչներն իրավունք ունեն անարգել մուտք գործել Կարգավորվող անձի տարածք: Վերահսկումն իրականացնելու ընթացքում Կարգավորվող անձը պարտավոր է լիովին համագործակցել և աջակցել Հանձնաժողովին կամ նրա լիազոր ներկայացուցիչներին:
19. Հանձնաժողովն անհրաժեշտության դեպքում իր ներկայացուցիչների միջոցով, իր կողմից սահմանված կարգով և ժամկետներում, իրավունք ունի իրականացնելու Թույլտվության պայմանների պահպանման ուսումնասիրություն և Հանձնաժողով ներկայացված տեղեկատվության հավաստիության ստուգում:

6. Պատժամիջոցներ

20. Կարգավորվող անձի կողմից «Էլեկտրոնային հաղորդակցության մասին» օրենքի, Հանձնաժողովի ընդունած իրավական ակտերի պահանջները կամ Թույլտվության պայմանները չկատարելու, ոչ պատշաճ կատարելու կամ խախտելու դեպքում Հանձնաժողովն իրավասու է իր կողմից սահմանված կարգով կիրառել հետևյալ պատժամիջոցները՝

- 1) տույժերի և տուգանքների կիրառում,
- 2) Թույլտվության փոփոխում,
- 3) Թույլտվության կասեցում,
- 4) Թույլտվության գործողության դադարեցում:

21. Կարգավորվող անձը Թույլտվության 20-րդ կետի համաձայն չի ենթարկվում պատասխանատվության, եթե նրա գործունեության մեջ արձանագրված խախտումները Ֆորս մաժորի հետևանք են:

7. Թույլտվության փոփոխություն, ժամկետի երկարաձգում, Թույլտվության կորստի դեպքում կրկնօրինակի տրամադրում

22. Անլար հասանելիության ամրակցված լայնաշերտ կապի ցանցի շահագործման ընթացքում տեխնիկական ցուցանիշների ցանկացած փոփոխության դեպքում Կարգավորվող անձը անհապաղ դիմում է Հանձնաժողով՝ Թույլտվության մեջ փոփոխություններ կատարելու կամ նոր Թույլտվություն ստանալու հայտով:

23. Թույլտվության պայմաններում փոփոխություններ կարող են կատարվել Հանձնաժողովի կամ Կարգավորվող անձի նախաձեռնությամբ՝ Հանձնաժողովի կողմից սահմանված կարգով:

24. Թույլտվության կորստի (կորցնելու, ոչնչանալու և այլն) կամ գործողության ժամկետի երկարաձգման անհրաժեշտության դեպքում Կարգավորվող անձը պարտավոր է հայտ ներկայացնել Հանձնաժողով՝ վերջինիս կողմից սահմանված կարգով:

8. Այլ պայմաններ

25.Թույլտվության գործողությունը կարող է կասեցվել կամ դադարեցվել Կարգավորվող անձի կամ Հանձնաժողովի նախաձեռնությամբ՝ օրենսդրությամբ սահմանված կարգով:

9. Ծանուցում

26.Սույն Թույլտվության պայմաններով նախատեսված իրազեկումը, այդ թվում փաստաթղթերի հանձնումը, կատարվում է օրենքով սահմանված կարգով և ժամկետներում:»: